



04083

韞山堂詩集卷六

武進

管世銘

臧若

五言律詩下

戊申元夕

不識今元夜征車尙在垆  
葦棚紛士女綵幄賽神靈  
預戒傳呼淺毋令笑語停  
燈光時斂焰依約避寒星

避暑山莊

近塞開行殿 時巡儼上都  
共球典屬國儀衛執金吾  
將習三秋獮先頒 萬壽醕當筵  
仍視草執政屢階趨

古北口

直北纔三宿秦城扼大垆  
烽煙銷古戍苔蘚剔殘銘  
關勢天

韞山堂詩集卷六

然險山光分外青  
雄邊今腹地 翠輦歲重經

松厓叔新膺漕帥之 命寄呈二律

轉餉蕭何績籌漕劉晏才  
軍雄兼八道帥貴應三台  
驄馬周巡久冰壺衆望推  
面申開府讓 帝曰往欽哉

先屏苞苴路旋清  
耗蠹源丁情紓有象官  
謗息無言調劑心  
恆苦申嚴令最尊清江  
風節竝謂楊清恪時會更難論

絕域時安南巴勒布俱新款附

絕域西南徼頻聞蠻觸  
攻使車乘驛問軍報刺  
閩通悔罪聲靈赫包荒  
天地公自深民力慶豈  
畏遠從戎

連接江陵沅陵二獄

楚民多健詐兩讞悉無徵  
橫以私嫌積平將大獄興  
術雖參

摘距道自用哀矜流放囚無恨非專峻法懲

喜董三惠疇

思馴

成進士

董生賦不遇頻歲弗窺園及此登高第于時無間言今文雖  
小道海內少專門急舉君爲勸韓方緒或存

謂韓尙書炎方學士苞

使節

使節發燕京封軺候吏迎省中題柱客關下棄繻生屢獻登  
聞獄常持廷尉平歸來爲母壽色喜進疊觥

從

駕札什倫布及布達賴廟

行殿西南接琳宮煥若霞制存唐古忒教重八思巴法鼓懸  
人骨天香供佛牙柔徠有深意非是奉畸邪

哭姪學沂并慰衡若弟

世銓

韞山堂詩集卷六

二

夜視何嘗起深慙第五倫疾知瘳匪易年痛奪何頻重念嫌  
身客

弟方下第

兼爲哭子人寄聲行自愛力慰白頭親

獮事將畢口占

決拾學從禽揚鞭逐羽林離人帶邊色倦馬動歸心詰武垂  
型遠忘勞誌戒深腐儒纔見睫慎莫擬虞箴

靈巖寺

一徑煙蘿護層阿翠柏遮 行宮開鷲嶺直被宿蜂衙石仄  
深如屋泉樽淺類窪祝釐諸父老爭看鐵袈裟

登岱

探嶽必及半方知氣象深羣山皆拱伏萬乘幾登臨石作青  
天色泉流太古音還期風雨夕雲上一憑襟

賀洪穉存登第

才士論場屋常艱針芥投僻書驚柱西難字誤盱盭賴有宗  
工出能遺迹象求終為學古勸潘鬢亦將秋

聞錢竹初引疾旋里却寄

七品歸田吏多披萬卷書昔人官至貴常羨弗能如  
韓慕盧宗伯嘗謂人曰吾貴為尚書豈若秀水朱十以七品官歸田多讀萬卷書哉我友才尤雅新來服返初

較量朱秀水青鬢未蕭疎

寄懷徐惕庵太守

大榕

執法同張敞狂言類灌夫橫園土繫冤分玉關逾自訴登  
聞鼓重還守郡符稍宜懲往轍學道是良圖

晤莊大虛庵

輞山詩集卷六

三

醉裏談官況如聞勞者歌騎危難下獸拊翼忍操戈燄息誣  
旋白遷遲得較多自茲容展驥莫遽歎蹉跎  
時遷興安別駕

臨淮關南總鋪汎衡若弟分路至鳳陽口占與別

莫忘分襟地淮干廿里餘郵籤通楚粵道喉合揚徐折柳條  
方短探梅萼未舒兩年同命鳥忽又異巢居

奉先恭人歸葬後赴汴州佐幕

寸草心益盡高原眼汁枯可憐館粥口猶藉四方餽冒經從  
麥幕含辛任削觚差勝袁彥道易服佐撈蒲

中州使院卽事

幾日少封題庭花落滿蹊雄開新幕府寂竝古招提一榻專  
畱穉當關且置嵇篋中冰雪卷坐起手常攜

寄示兒子學洛

吾族雖云敝家聲尙有聞自余前八葉教子總能文緒遠傳  
逾重丁單責孰分瞿然思負荷莫枉析薪勤

沐梁懷古

天水昇平日東京舊帝州鶯花迷艮嶽燈火艷樊樓豈意華  
胥夢橫當滄海流伽藍猶故物劫外歸然留

青棠

八尺青棠樹低枝倚檻斜知時昏旦葉耐久夏秋花碎影疑  
經翦微香欲透紗他年期蔭畝弗負譽爲嘉

觀棋

進取全無術機心已久虛閑從二客後坐閱一杯餘攻守精

輶山堂詩集卷六

四

能敵成虧幻劫如觀空惟袖手肯著意相於

寄呈家松厓漕督二首

鏡吹淮堧集邊劔候館陳曲垂諸父誼來喧鮮民身防護煩  
麾吏經營助俸緡受恩甯一己銜感代吾親

聞道東南漕頻年起色加健帆趨析木新水足桃花早喜京  
儲裕時蒙天語嘉丁貧非一日籌筆獨長嗟

咏蘋婆菓

果中香色味第一荔枝九此品真流亞猶當三絕看芳津求  
齒外秀綠上眉端不解相思意佛書蘋婆卽相思之義焉能保歲寒

負土

負土謀初就仍爲飢所驅義推金革借事與掾僚殊直經存

衷服漣洏在枕隅三年甘塊獨不一面妻孥

詠木瓜

圓檜蒙瓜號堅貞與木俱誦詩期永好行禮見苞苴香覺餐  
宜口黃含澤在膚物微清節見使院一盤無

寄周宿航京師時將至黔中平遠州刺史任

僕指十年別驚心萬里行何當憚修阻不一敘平生茂苑鄒  
裾老高臺曠律清昔遊應在念重以故人情

每聞荒遠地文教古賢開近日邊臣重非同遷客來菑畬經  
作訓斷削雅為材心寄龍場驛同君酌一杯

附宿航答詩

奉檄來京國嚴程敢憚行窮邊非逐客奇疾是餘生小築

輞山堂詩集卷六

五

塵難到假館讀雪山房郎君雪比清殷勤通父志豈復世人情

見說依王儉夷山幕府開十年分手處千里報章來多感

符書暇時憐蒲柳材晤言知不遠數舉故人杯

阻風河上

盡日黃河岸牽船莫問津風狂能顛日浪濁不收塵忠信捫  
何負冰淵念自振涉川知未利少重待時身

成都將軍參贊科爾喀軍事奎林公挽詞

微外亡良將朝端少虎臣登壇從束髮裹革未中身嘆惜今  
誰繼廉隅更絕倫弟兄皆許國先後瘴江濱公為前毅勇公  
明瑞同母弟

挽陸耳山中丞錫熊

編纂登天祿儒臣號至榮不圖貽後責兼至殉餘生文筆依

人鳥詩歌掣海鯨代僵良足惜二陸異廷評四庫館初開陸侍郎費堉實在

挽曹劔亭侍御錫寶

耆舊幾凋枯新亡諫大夫才名蕭穎士家計范萊蕪挂籍追攀晚忘年禮待殊幸君遭 聖世曾按霍家奴

寄毛文學燧傳

海內詞流滿成名幾派分古音誰有作近日久無聞昨誦元亭草如觀司隸軍敢同皇甫謐率爾序君文以古文求序不果應

寄吳秀才士模

五百年來業時賢棄不尋張憑能理窟啖助最經深高妙毫含語精研句切心客肱非三折難許附知音

輶山堂詩集卷六

六

挽徐文秋園培

左越循良杳中吳耆舊疎十年方改綬五袞已懸車養遂烏私足謀深燕翼餘鄉先生祭社隱德我能書

性冷交遊少年高輩行尊衆中曾把臂謁次必迎門別具人倫鑒難忘知已言九京終慰望特達有聞孫孫準宜從子遊最擅文譽

抵京日感懷有作

九衢留第舍八口裕衣糧事比榮還 闕情殊怯近鄉妻孥增色笑僮僕有輝光只痛慈顏隔傷心拜影堂

賀趙味辛舍人得男

門大于公德簾傳韋氏經不圖年近艾始爲國添丁墮地胞應紫知書晴必青丹山鳴小鳳還冀白頭聽

題蔣檢亭同年

雲師

六十詠懷詩後二首

君令長安日全無俗吏容  
花磚常直踏梧掖每相逢  
老甫垂魚及貧惟飼鶴  
供去官猶戀闕小住隱疎慵

轉羨收身早焉知失馬非  
青箱傳舊業白社返初衣  
久宦思安拙勞生悟息機  
陸潘乖晚計益重季鷹歸

送秦小峴同年

瀛

觀察浙東

樞庭才彥集落落幾詩人  
之子清吟擅能無同調親  
雞棲時竝轡豹直每均茵  
忽建高牙去相思越水濱

哭桐鄉令呂生

爾禔

最念從遊早重煩負弩親  
吏才堪許達邑論頗稱循  
命與顏琴短家仍范甑貧  
傷心憐少子淚盡白頭人

輶山堂詩集卷六

七

哭楊六士比部

自負袁絲長兼論李益親  
床經三載對家舊一牆鄰  
歎息虛官燭年華促使輪  
披圖傳泣硯殉爾獨吟身

勞歌

我有勞歌發難令聽者歡  
倦猶馳丙夜餒僅及晡餐  
舌敝人誰應蹄羸馬不完  
伶仃過逆旅枉作使華看

出關

地古臨榆邑揚鞭百里中  
風聲緣海大山色到邊雄  
馬後桃花未關前雪片空  
無勞重迴首直奉簡書東

吉林

長白山何遠松花江最深  
圖經傳鹿塞譯語近雞林  
沃野連



遼海風帆轉析津耕屯宜益講足國萬貂參

頓宿

頓宿無官解民居就道旁開簾門並竈入室炕循牆家各餘  
芻牧鄰猶足蓋藏由來龍起地土厚水深長

喜錢南園同年禮仍授御史

柏府清嚴地由來再入難若非思古直容易予原官所至爭  
顏動平生到骨寒如聞點蒼樹不止一棲鸞

七夕夕直

行廬山色暝七夕夕郎歸引手明河近迴瞻列宿稀新涼生  
禁樹餘曝入宮衣天巧宜頻乞惟於宦路非

紀事

輶山堂詩集卷六

八

滅死窮邊成懸知不返身灑然迴帝意盡與赦流人獨且  
非無婦餘暉況有親斷蓬仍續命萬口頌皇仁

中秋雨夕

良宵逢苦雨小集枉高吟明發愁官路將歸損客心雁噉中  
澤亟蟻戰夜堂深時值秋闈猶覬長安月清光或上襟

香山扈直卽事

西園更西去行殿鬱松筠徑與三山判名從九老分懸泉  
秋倍響環岫午猶雲輦路碣相望常屯背鬼軍謂火器健銳二營

劇寒

憔悴東華客翻欣歲劇寒凍泥封轍淺狂雪捲衣乾遣興唐  
花早澆愁魯酒寬惟憐茅屋底裋褐幾人完

門丞

盛衰常在眼喧寂屢經身深巷梨花雨長安荔子塵丹青生  
面別香火故情真兩兩相依近慚他翟氏賓

火判

便腹彭亨在瘳顏刻劃愁上騰良已速中熱更多求自負通  
明相人言火迫侯可堪灰冷後掃地但荒邱

通州

潞水去天近城東尺五強通津唐洛口轉粟漢敖倉約石多  
成牖維舟別作梁收身知有日一葉此還鄉

隆福寺

地近宸心切橋陵一舍間行宮多傍寺輦路始循

韞山堂詩集卷六

九

山盛設熊罷守嚴當虎豹關五雲勞想像侍從未登班故事從官

三品以上  
方得陪祀

桃花寺

臺殿層巖上盤迴磴道通桃花妍曉日流水韻疎風法從  
環千帳周廬限百弓望門先小語咫尺達天聰

乾隆六十年閏二月扈蹕祇謁東兩陵恭紀

昭西陵

配聖成王業開天仰母儀兩朝深鞠育三紀濟艱

危受福從占易生民特侑詩避尊陵別起家法至今垂

孝陵

恭默初基日無心旆鉞揚仰成惟聖母宣力有諸王親政

何神武貽謀自遠長謳思龍馭早疑在白雲鄉

孝東陵

聖德任開妣 慈暉向繼高練衣崇節儉紛帛感劬勞吉日親分繭長春躬饋牢卅年天下養遺令殉烏號

景陵

念昔 仁皇帝垂衣六十年物登春盎益人履道平平不赫當時譽無爭天下先化成由久道作則 聖孫前

泰陵

毓德 龍潛久膺圖旭照周阻深民達隱銖兩吏無賅 詔令推誠與人才側席求十三年整頓靈爽赫長畱

秦東陵

韞山堂詩集卷六

十

備享崇高養遐臻耄耄齡含飴九節杖消暇百繙經共仰慈兼教追維壽且甯拜 陵頻惻愴逮事涕彌零

南苑

文囿京南近東西 輦路開苑人恆狎鹿海戶習耕萊觀省宸題滿編排特裁時奉命修南苑志舊時飛放泊只為矚鷹來

潭柘

地本從潭湧山仍藉柘彰萬花明寺路一水響僧廊賜額畱奎藻 行廬接道場人天參 法駕薄暮起雷琅是夕雷雨大作

戒壇

上方開古刹地占最高峯日炯明河練見永定河心清碧落鐘法幢龍象護戒石鳳貌封欲去摩挲再香臺幾樹松寺松最奇古

蝓蛤

類蛤無形斷非螯漫氏車吳鈞初耀雪施舌欲生花文甲披  
綿厚鮮漿搗玉加盤餐新有此已足廢魚蝦

石首

一夜吳船到堆盤鄉味新大來同汐上耐久與冰親白石缺  
崎骨黃花爛漫鱗直沽纜具體數尾敵兼珍

題吳節母霜節冰心圖

父作飄零客夫爲短折人兩家貧到骨終日涕隨身伶影臻  
完節呱雛克荷薪乞言歸奉母養比白華珍

哭錢南園侍御

曷不畱忠直斯人遽百年依然採藜藿何處覓鷹鷂幸復

韞山堂詩集卷六

七

朝恩重

前以通副降調  
重予入臺

求全物論偏人人比修竹彈事幾通

傳

輓前總憲寶東臯先生

光寵

白首文章伯霜臺領 聖時去官人咄惜戀 闕意透遲屢  
逆平生耳終期地下知攀輻還一慟經義舊相師

廣川董子祠

三以春秋對天人理最詳言醕卑曲學道重折驕王帷想當  
年下園仍舊日荒過祠頻下馬仰止附門牆

霧凇花

是霧全非雪輕寒勒作花玉禾冬有穗琪樹曉抽芽幻巧神  
工出襪祥目論加自憐官未達不怕爾爲嗟

書讞事牘後

章狂由失志誣陷起嫌憎變告藏名上封軺併驛乘罪人終  
悔泣使者只哀矜至死猶輕比何心決事能

衝風

天風吹路斷人力與之爭勇若張拳入豪如破浪行妄緣乘  
匪意機事發無情百倍焚輪烈心安自不驚

挽英甫中丞

穆和蘭

頗聞天怒霽日望逐臣還惡問星郵達知音雪涕潛寬柔

羣謗懦廉節世疑慳飛夢迎丹旄時時越玉關

家松崖漕帥叔左遷

天鑒容孤直羣情忌獨廉樊蠅能變亂沙蜮最深潛網漏貪

鞏山臺詩集卷六

十一

人大辭苛執己織訟章思上列祇避阿戎嫌

浮沉

誤玷承明直浮沉十載強拙筭空濫隊禿穎枉居囊目自分  
臧否心還任激揚小臣於數子或尙有微長

善類

善類偏多咎公心貴保全如何專繡斧只解刈蘭荃交口誣  
劉向吞聲訟鮑宣莫疑天道遠終到好還年

詠史

火齊堆盤進黃金積隴高怙權炎炙手傷善法吹毛政已全  
由甯人將大討曹尙方終許請多辨鵝鶉膏

讞獄書事

不信登三品猶聞犯六賊坐聯諸獬豸同事三人獄按小豸皆官科道狼尙恃錢神論思撓廷尉當爰書豈初意一路哭宜償

湯山

畿北行宮近靈泉引作湯鬱蒸雲歛灑沐浴日輝光嶺樹浮佳氣溪流識御香華清暨臨汝寥落避當王

周廬曉發

針晷舉帷視音鐘倚枕聽行廬千帳肅野竈萬烟青蓐食何求飽脂車肯暫停前頭知御路燈火接明星

暮春倬直西苑卽事

旭日動宮鴉連朝撲面沙氣清初潤麥風定欲蘇花襍被書攜友周廬墅作家田田荷葉小又從五雲車

送友人遠倬滇南

輞山堂詩集卷六

三

幕府無奇略徵才到選人台司乖恕道任意虐寒貧曉度沙疑域宵征火雜燐但期安穩達且弗問前津

按獄偶成

折獄能虛聽何愁不簡孚誤憑讒罔極專事虐無辛苦口堅先入褊心甚下愚施行多此物那冀麥苗蘇惠文勞雜問不決動兼旬險甚懸河口傷哉銜鬪身憤深詞獨按詰快狀纔真知取同官忌吾憐久繫民

蠢爾

蠢爾南維醜稽誅明盛時前驅皆難虜尾逐是王師拊髀思眞將加顏望捷旗營平今老病況復畏讒譏

賊勢初乘險兵威尙戒嚴圍堅衝莫達食盡聚還殲自縱襄樊柙旋疎豫陝鈴莽然三易帥何改歲時淹  
斷寇扞草屢褒揚動紫泥何期封豕突盡滿伏牛蹊千里窮追緩三軍不戰齊效尤鄰作壑偷息擁躬圭  
聞道潢池寇公然入武關畏人終似獸攫食不離山兵缺花門補城空雲嶺環縱無邀濟漢三輔且舒顏  
轉戰天兵久烽煙聚蜀門羣兇死相救七部黠分屯歸凱遲諸將宵衣瘁至尊長聞解囊佩誰係最承恩  
請奏軍興費飛車戒詰朝度支原自裕絡繹那禁銷戚比簪綦厚金過陽穴饒毀家宜早計或免籍胡椒  
聖駕釋菜臨雍講學禮成恭紀六首

韞山堂詩集卷六

十四

大學尊隆備三雍制作詳垂型由上聖習禮復今皇至敬無兼事精禋在日強寅賓際初吉特選仲丁良

是歲上丁值朝日壇改用

隔歲遵

堯命

嘉慶二年五月預奉太上皇帝敕旨

前期撰

舜文樂分

清廟瑟菜擷液池芹三獻申嚴祀千官肅大昕禮成毋早退

璧水正氛氲

圓聽羣情協敷言 御論精高深符孔思惇大見周情盡日軒夔景同天贊頌聲如聞擁經意虛席待桓榮

舊日題名地今來眼更青重排周十鼓新寫漢諸經節水雍思義迴環璧象形不因陪 法從容易接邊銅

此日觀光盛鴻都會不殊上公承紱早

衍聖公孔慶鏞年尙未冠博士象

賢俱絕域猶求侍期門半習儒卽看文德洽盡格弄潢徒  
載廣登科額隨宣進秩綸侍筵均翼翼拜路各彬彬歡意  
全臚養恩言亦奉親還將觀聽滿敬向寢門陳

送蔣醉峰表弟國博乞假還江南

但有井泉處皆知拙老書愍孫仍筆力家法未全疎命校  
鴻都石分乘博士車餘榮輝後裔崔蔡定誰如

篆分皆八妙竹石更兼通練爲揮毫盡錢因貰酒空三年思  
丙舍一昔掛征篷曾耳康成學應憐鄭小同



韞山堂詩集卷七

武進 管世銘 臧若

七言律詩一

姑蘇臺

翠隊紅裝照五湖，  
麝廊香館認姑蘇。  
金椎隱土民高下，  
玉檻蟠空徑有無。  
寒雨燕深春走鹿，  
西風柳落夜啼烏。  
山川不改繁華盡，  
越國荒臺亦鷓鴣。

阻冰臨清

衛河狂雪壓歸舟，  
自笑真成汗漫遊。  
渴劍不平鳴永夜，  
凍帆無力掛寒流。  
冰敲淡月仍畱牖，  
米盡明朝更典裘。  
畢竟羈懷耐蕭瑟，  
衝風還上酒人樓。

無題四首

韞山堂詩集卷七

絕代蛾眉自有真，  
肯將一顧輒傾人。  
可憐翠袖居空谷，  
何限羅衣照暮春。  
命去蹇修難作理，  
逢他簫史未教親。  
從來守禮莊嚴甚，  
刻劃無由到祕辛。

十年婉婉矢幽貞，  
一夕笙歌許定情。  
不信增妍宜蛺蝶，  
何煩已妒覓鶻鷓鴣。  
迴修袖神初接瀾，  
轉流波頰旋頰正。  
是相逢渾未嫁妾身，  
記取最分明。

風捲寒砧木葉疎，  
懷人此夜意何如。  
雙鴛珍重裁爲被，  
尺鯉迢遙剖作書。  
但得一心同繾綣，  
從教異地暫踟蹰。  
草蟲卷耳平生誦，  
不向高樓怨索居。

忽傳門外紫騮嘶，  
黃氣猶間暈欲齊。  
盡攬風光歸閬苑，  
儘畱

顏色待金閨連波未過何須悔通德無愁不解啼從此刀環  
傳樂府一生心事畢雙棲

蘇門山孫徵君

奇逢

祠

中原高節屬徵君竹外清祠對夕曛早爲膺湧鳴大義晚歸  
濂洛紹斯文妻孥粟里能相樂弟子河汾自不羣魂魄青山  
尋伴侶孫登臺下餓夫墳

馬融讀書處

蒼莽書臺問劫塵季長經術自殊倫青燈歲月棲遲舊絳帳  
生徒指授新何第攝衣輕獻頌有人出郭遽埋輪中郎失足  
應同恨論史千秋太息頻

醉後

韞山堂詩集卷七

二

醉後狂歌若有神興來搖筆自清新大兄見事何其晚豎子  
成名未是真千里關心鄉國夢三年爾足濁河濱終當一語  
酬知己浩蕩閒鷗未易馴

贈宿航

束髮論交里閨前衆中一見輒歡然高歌斫地容吾放慧業  
生天讓子先執手祇須誇勅敵盟心何止在陳編只應世世  
爲良友膠漆驢蝨總浪傳

附宿航來詩

清酒高歌幾夕同醉餘燒燭檢詩筒人言尙有南豐恨自  
笑眞如東野窮四海交遊惟聽雨十年蹤跡任飄風可憐  
懷抱向誰盡臨水登山一卷中

時將南歸先寄諸弟

此間信美非吾土親在何堪入道途兩月尙嫌歸計晚五年  
甯料壯心紆鄉園近日還傳異禾麥今秋已大無博得一家  
同菽水三旬九食亦愉愉

江州大觀亭遙應李雲岩觀察

世傑

黃鶴樓前一千里東來雄觀此亭收南唐山色猶青峭全楚  
江聲正拍浮有日攝衣陪後乘得教醺酒嘯新秋縱無謝朓  
驚人筆肯不題詩在上頭

追挽盧端臣先生

明楷

經笥紛綸故事詳藝餘樂府別宮商風流樽俎詞三變藻鑑  
人倫術九方末座曾擗梁苑賦頻年同嘯庾公床平生青眼  
相期重磨鏡終虛漚一觴

韞山堂詩集卷七

三

與客論張魏公事

魏國碑成紫陽手翻令後世起吹毛飛書赴難真臣節決策  
臨戎魏將韜漫擬武侯誅馬謖略同房相敗陳濤原心論過  
皆公議齒冷長城壞鄂褒

冬夜漫興

夜氣寂寞高齋清支頤據案便短檠北風連夕雪初釀寒柝  
數聲雞一鳴汲古時時得修綆鑿空往往無堅城中宵掩卷  
起太息擊節獨歌猛虎行

王大蘭洲招遊焦山因畱宿山寺

浮玉琳宮掩麓椒固應清曠讓松寥

松寥閣在焦山頂

琴樽竹裏時

通頃枕簟花間忽上潮餐鼎摩挲迷古代蝸廬畱戀遠深宵  
窻明不斷鐘聲動知是空江霧未消

每遇曉霧則山寺擊鐘以警行舟

### 新秦車中

曉雲不及客裝輕薄笨相攜大坂行平楚綠沿荒戍隱野桃  
紅倚午邨明經春古澗初通水近嶽他山盡有名好手荆關  
圖不足總教收捲入吟情

### 嶽廟

闕宮高敞萬靈趨玉座神光乍有無大祀升中天作配羣生  
出震帝同符蔭階檜柏從秦漢畫壁丹青煥陸吳瞻拜別無  
陳乞意空勞廟令伺睢盱

### 哭外舅張恕堂先生

輶山堂詩集卷七

四

松風謾謾逼人寒窮海誰憐殉一官詩卷半肩孤六尺桐棺  
三寸路千盤生平肯後朱文季知己真慙戴叔鸞重繭送公  
丹旒返善籌身後敢辭難

### 錢茶山少司寇

維城

獻獄黔中遂奉古州勦賊之命

### 戴事而返以詩奉呈

黔山萬里半年畱淑問方終撻伐收已見車前施斧鉞更教  
柱後換兜鍪論兵絕險頭初白殺賊經時面帶秋誰識蓬瀛  
人第一賦詩讀畫舊風流

### 少司寇贈尙書錢文敏公挽詞

衰絰還家遽告終士林早望黑頭公本由經法通刑律難得  
文臣有武功入里不知卿貳貴愛才真見古人風平生餘事

留縑素撫卷猶聞感 聖衷

金陵詠史

義旗指處擁壺漿遂拯生民一八荒豈謂周仁開邨廓轉煩  
秦法治咸陽胡藍有罪誅何濫馮傅無終過未彰再世忍言  
瓜蔓抄得非遺烈啓文皇

直爲 聖代驅除設江左屏王劇可憐乘犢慮非隆準後續  
貂敢數中興年金符玉節紛廝養紫蓋黃旗付錦箋日斷孝  
陵松柏路初明無表上通天

李中丞

瀚

挽詞

滇南父老擁壺漿望斷旌旗拂點蒼墮淚西江同峴首  
由江右布政使 起家北海是桐鄉合諸城卽著循名 精心甌牘無畱案鐵面巒

韞山堂詩集卷七

五

金不上堂絮酒直爲天下慟如公眞可託封疆

送季父之山右

北風烈烈雁飛秋班馬蕭蕭一敝裘明允中年文始就更生  
出獄氣逾道晉祠唐壘多遺跡嶽色河聲是壯遊歸日莫令  
青鬢改贈行先問大刀頭

邯鄲懷古

邯鄲地古自周秦客到叢臺徒倚頻報主不成終國士托身  
非偶枉才人橋邊舊石能驚馬瑟裏新聲合掩巾不信勞勞  
塵土外更從何處揖仙眞

孟津渡河

河下龍門折又三舊時禹跡尙能諳地無大峽流初橫岸有

奔沙徙漸南，帆槩天中會。風雨芟薪金，底護農蠶餘。波一牖，通江水，故國魚書或可採。

洛陽懷古

洛陽形勢古，東京兩賦班。張舊擅名四，戰關山猶岌。業交衢冠蓋，昔縱橫。清談果驗銅駝歎，肉食安知杜宇聲。淒斷北邙松柏路，更無金椀出春耕。

慈恩寺埵

開寶諸公在上頭，高標獨跨古皇州。烈風自與青冥近，元氣還從下界浮。不辨雲山皆北拱，似聞河漢果西流。繁華一盡乾甯末，寂寞黃旗八百秋。

曲江

輞山堂詩集卷七

六

歷劫昆明幾度過，曲江車馬近如何。關心錦瑟新寒雁，到眼黃蒿舊綠波。豈有春風人拾翠，更無子夜鬼悲歌。長安水利堙蕪盡，幕府傳聞好事多。

灞橋

橋上離杯日日揮，昔人於此送將歸。高城舊雨齊迴首，清淚斜陽總上衣。別去景光行自愛，重來歌舞恐全非。祇疑京洛車書改，剩有長條復幾圍。

王翦墓

詔起將軍以疾辭，親勞萬乘請車旗。臣謀若用兵，宜益主信難堅。乞屢私敵國，一時亡李牧將家。三世到王離，道傷笑兀風雲塚。孰與驪山炬火悲。

薄太后廟

雉狗人斂總煙銷代邸蒼龍帝漢朝往事衣軒嘗感電重來  
織室已塗椒數言自足明周勃微怒何曾爲薄昭父老千年  
識湯沐荒臺燈火古祠簫

和人馬嵬懷古

壯士桓桓怒未休蛾眉婉轉馬前收額加四海誅褒姒齒冷  
雙星誓女牛豈有中官司麥飯徒聞方士指瀛洲何人七寶  
鞍新就不誦汾陰已淚流

函關

百二河山天府尊函關形勢至今存連營地可容千幕折箠  
人惟守一門崖際樹疎窺月黑谷中車殷動雷喧到來始識  
時清久十里雞聲未出邨

韞山堂詩集卷七

七

武關

一入咸陽竟不還楚懷遺恨在商顏幾年赤幟雄關上遽見  
降王軼道問雲氣古今餘馭黷溪聲日夜響潺湲寄奴亦是  
人中傑何事先歸建業山

蕭關

居延烽火望中遙秋盡邊城見射鵬折角風高弓自響溜蹄  
霜重馬難驕曾聞公主和親出亦有單于款塞朝日暮喧喧  
笳鼓競路人爭問霍嫖姚

散關

石鼓西來疊嶺崇平分秦漢一關雄最憐諸葛真無命遂使

淮陰獨有功隴樹參差斜谷隱棧雲迢遞劍門通長卿論蜀  
文空就不遣前驅此路中

殘荷分韻得寒字

折盡芳馨贈所歡芙蓉零落若爲看秋風暗向池邊動暑氣  
先從葉上闌投老清芬高士傳過時憔悴婕妤執空餘壞色  
西天服聽取瀟瀟暮雨寒

風葉分韻得心字

淅瀝西風作意侵紛紛黃葉捲疎林江空與鳥分帆影山靜  
兼泉亂屐音一去故枝飛不定欲爭初地方何任無情未得  
枯桑似獨客難禁萬里心

客燕分韻得成字

軟語疑商故國程斜飛似畏曉寒輕極知大厦無秦令不奈  
微禽動越情千里雌雄經托宿半年毛羽荷生成也如廡下  
高人迹終欲相辭海上行

吟蛩分韻得窻字

半天風露洗秋窻四壁喧喧意未降直送荒雞侵曙枕似催  
饑鼠睨明釭張絃孤館聲非一聽雨中宵響自雙却恨無人  
同歎息夢回誤喜足音楚

涼檠分韻得緘字

聽徹涼宵更漏嚴一編螢火自開緘下帷友錫長明號立壁  
侯專不夜銜未可頻迴新白髮只宜斜伴舊青衫無端牆角  
悲昏棄誰與高歌吐不凡



霜杵分韻得鐘字

高城急響聽重重空外應知力漸慵亂發斜陽隨暮笛長懸  
新月和晴鐘玉關萬里無停戍雪嶺三年未息烽莫向長安  
問刀尺寒衣比戶夜深縫

再送竹初南歸次表妹浣青韻

離亭落葉正紛紛燕羽終傷不及羣天爲晚成羈馬援人因  
下第重劉蕡關山秦地新同載歌哭金臺昔共聞到及高堂  
稱慶日有人天外望南雲

阿大中郎別思紛詩傳林下最空羣柳花庭院長如絮桃實  
衙齋漸有蕢望遠只期斜景好附書時報大雷聞更將一掬  
思親淚併與離情灑暮雲

韞山堂詩集卷七

九

次荅錢竹初楊六士途中却寄元韻

幾日鞭絲帽影看送君南郭記秋殘途間雒咏遙傳好別後  
秦聲再大難落葉似添歸橐重清淮欲瀉客杯寒相思去住  
俱愁絕各有沉吟共夜闌

喜莊大虛庵卽以竹初去日至

錢郎慷慨登車日莊子蒼茫款戶時長賴君家好甥舅不教  
獨客倦歌詩三升旣盡顏俱赤一檝垂成鬢漸絲賦就凌雲  
誰復見相逢聊問長卿貴

七陵懷古

長陵

月出衣冠事渺茫猶聞扶義入咸陽敵中才信輸三傑原下

雖應雪六王上時嘉平秦制作大風鴻鵠漢文章一抔俯盡  
英雄首偏使儒生有短長

安陵

奔亡屢墮屬車塵暇豫頻危主器身擁樹心孤勝太僕高飛  
功偉軼遺民盛傳海內爭延頸枉惜宮中但飲醕萬歲神遊  
還引慝乃公愛子屬何人

霸陵

三讓彌高始受終一侯已畢代來功尺書足遣文犀至清蹕  
何須天馬通猶有人才憂厝火似聞民俗近從風五雲一例  
虛松柏獨拜行人輦路中

陽陵

輞山堂詩集卷七

十

盛德先皇難並論更無几杖賜強藩軍聲自倚條侯壁朝議  
空馳使者轡爭博宮中非大過市兵地下最煩冤刑名一脈  
由家令豫教應思賈傳言

茂陵

要使天驕警漢旌登臺絕塞遠橫行雄心晚爲泉鳩悔萬命  
先因宛馬輕獨攝衣冠容汲直不畱弓劔待蘇卿淒涼玉椀  
人間出起告會無同舍生

平陵

雲光開曙月低河彷彿橫汾揚素波堯母題門心久屬成王  
莅昨智應過免冠未覺風雷動窮袴空聞參昴多七相五侯  
充奉遍更無人奮義公戈

杜陵

親帝曾孫最早孤柳生石立應貞符丹青丙魏功名盛詔獄  
韓楊論劾誣故劔已還先物化玉衣久闕忽人趨辰園悼寢  
無尊號一事經生重漢儒

贈莊大虛庵

十年投分苦離居兩月論文最起予下筆獨能精選理濯胸  
時復藉班書詔開藜閣聯翩入官滿蘭臺不次除老向諸侯  
作賓客將求薄祿奉親輿

擬送虛庵北上

送君不到灞橋東杯酒難分此夜中每益高名從按劔翻憐  
良會在飄蓬相如雅厚臨卽令謂曼亭杜甫新依巖鄭公時畢中丞

韞山堂詩集卷七

十一

訂之入幕

引領京華莫畱滯西行重問古秦風

虛庵以畢中丞畱贊幕府遂罷北行喜而賦此

將離無計與遲畱書到欣然罷去騶知己不辭從佐幕才人  
豈合試監州已聞禮待如韓愈或有功名似馬周向暇還能  
續酬唱得朋吾亦遂身謀

李臨淮墓

烈烈司徒大將風當時天地荷成功用兵直出汾陽上許國  
原非僕固同鐵券山河三帝誓靴刀意氣萬夫雄白頭一旅  
勤王緩宰木蕭蕭恨未窮

韞山堂詩集卷八

武進 管世銘 緘若

七言律詩二

賀大將軍誠謀英勇公奏凱還 朝詩十首 代

昔嶺峩峩百戰平五年闕外倚專征 王師旗鼓從天下上  
將精靈自嶽生并絡春雲隨大纛潼關曉日候行營鏡簫半  
渡長歌發競挽黃河洗甲兵

三十年前政事堂先公遺業在青箱起家不藉門資重借計  
曾標姓氏香藜閣校書真國士藤廳典選舊清郎一經親比  
元成受下視申屠但蹶張

弱冠從教 禁近叅星車虎節氣初酣 主恩出入更榮悴

韞山堂詩集卷八

士命安危一苦甘徼外功名班定遠胸中武庫杜征南直廬

晚進猶聯事履屐平生故許諳

卻穀詩書天下聞戎衣報 國敢辭勤金城北望陰參柳天

馬西來勢蹴雲瀚海初開都護府 公先立功西域瘴江全返

伏波軍 謂撤兵緬甸丹青久上凌煙閣 先已列紫閣功臣手闢蠶叢再策

勲

曾赦防風後至誅何期封豕出孤雛稍知吞噬私肥窟互作

形援顯負嵎天上已聞揚勁旅草間誰敢藪窮逋一收美諾

軍聲振傳箭前鋒指勒烏 美諸勒烏圍大金川巢穴也

僻險如眞弗克攻 皇威何以令諸戎頻年粟轉青天上盡

日兵行黑箐中霹靂一聲爭隘入星光萬點震朔空前山頓

失鴻荒雪直爲三軍喜氣融

同時犄角兩偏師獨建堂堂大將旗箸決帷中鋒始合矢飛  
席上坐無移懸軍已斷三危眷隔歲先傳貳負屍謂僧格桑每向

甘泉騰捷奏輒聞天語動嗟咨

鼎魚何處乞魂遊醜類全家尺組收自是睿謨能仰佑亦

緣良將善分憂蒼頭背鬼休鞍甲寶叟青羌賀酒牛別撥一

軍將護入檻車前與認維州逆首嘗造捨過維州橋之謠以煽惑番衆

稠疊天書星使傳命珪相印手兼權班資特長東西伯啓

事還持內外銓大學士兼管吏部尚書蕃落來朝齊負弩官僚迎犒許

開筵鬢絲稍爲論兵改龍馬精神自昔年

元老功成不敢居橐韃伏地謁蠻興須知溥海銷兵後又

輞山堂詩集卷八

二

是蒼生望澤初將相和調時自泰君臣一德化何舒待公燮  
理多餘暇再有清風誦穆如

寄懷周三宿航

不見春空靄靄雲五年翹首大河濱主人絲竹能留客弟子  
臯比願奉君郭外登臨經廣武檻前興廢入雄文津亭尺鯉  
時西上一卷蒙香報我聞著有蒙香詩草

寄懷家松厓叔

公自襟懷白日明我如秋月霽偏清祇期天上心相望突有  
人間事不平菽水甯親分薄俸關河送遠濯長纓蹇驢去去  
蘆溝道啼笑都難識此情乙未分校禮闈余遵例迴避

寄懷錢竹初明府

先公撫字最心勞司寇清秋玉鑒高  
見日已傳江夏枕邦人猶識呂虔刀  
代興東觀知餘恨世領西湖足自豪  
好爲板輿安薄宦莫令青鬢起霜毛

時以縣令候補杭州

### 寄懷趙味辛上舍

六尺差隨短李肩誰知胸有筆如椽  
石麟才望清門出銅雀詩名弱冠傳  
隴首秋雲思遠意路岐零雨贈行篇

向有見懷及贈行詩

俱在篋中

置身閭闔須今計慘綠殊非管少年

### 寄懷沈佩蘭孝廉

隸

精鏘不掩匣中龍流落無輕無下春  
一石雷賓猶俠少千言倚馬尚詞宗  
人心縲綆憐公治士論髡鉗顛蔡邕  
幸際聖明容滌蕩依然爨竹儷鐘鏞

輞山堂詩集卷八

三

### 寄懷洪穉存同年

蓬藿園荒仲蔚居早孤能讀等身書  
攝衣所至傾任范卽席爲文冠應徐  
半世錦囊供菽水三年直經廢蟲魚  
遙憐外舍佳兄弟同痛時時一過廬

時蔣琴伍星次兄弟並奉母憂

### 寄懷錢野余上舍

舊時朋輩盡鷓鴣猶著青衫待至公  
十上雄心廿晚達廿年高譽得途窮  
都將伏櫪嘶風意寫八花飛劍舞中

最丁書 尙有漆園稱二妙

謂莊四然一

吹噓並望薦河東

### 寄懷呂叔訥秀才

淮南呂覽千金字昌谷樊川絕妙辭  
意得獨能扛健筆書來匪直致偏師  
才人學道方無病處士狂歌且未奇  
一語韋絃

吾豈敢相逢孫楚或應知

謂孫秀才淵如

### 華嶽廟

丹棟危巖勢入天不登高掌已巍然萬靈風雨趨巖下兩戒  
河山翼檻前瀚海開疆逾累驛劍關歸凱又頻年盛平國  
慶金方萃煥廟新頌內府錢

### 曉發新安山中懷周二宿航汴梁

獨客天寒賦風興自驅薄笨上峻嶒馬蹄蹴石常生火人息  
吹衣盡作冰中道頗思支倦策殘年誰迫裏行滕故人近望  
繁臺下欲別河梁恨未能

### 湯陰弔岳忠武

名將中興第一流黃龍痛飲志幾酬士民爭舉城歸義君相

韞山堂詩集卷八

四

甘爲虜報讎五國悲深紇干雀闔門枉甚白符鳩西湖墳樹  
猶南靡肯作銀濤怒越州

### 遙題楊忠愍祠

何人過廟不咨嗟十罪彈姦具史家敢謂吾冠非獬廌定知  
公膽勝蚬蛇罟藩引比全虛陷失律封章又竄加當日無詞  
誅直諫權門心苦是羣邪

### 樓桑邨

兒時志已萬夫雄坐倚樓桑羽葆同重見眞人生白水不教  
父老識歌風宗支得統名原正將相無年業未終千載懷鄉  
魂魄在乘雲來往永安宮

### 寄荅崔五曼亭卽次原韻

一榻經春再歷冬主人良牧更詞宗左雄將老甯思仕任峻  
非才漫典農寄遠已煩端綺厚置懷兼荷尺書重前期露冕  
何時入花外同聽長樂鐘

拜外王父王隆川先生墓

先生諱兆符康熙辛丑進士  
墓在京西羊坊店去西便門

里八

外家三世筆如椽

外王父之考崑繩先生諱源祖霜皐  
先生諱世德皆以文章著述名世

輦轂

高名莫敢先

世籍大興著述沉埋餘斷簡

著有居業堂集期功凋喪祇荒

阡中郎風澤期羊祐子幼文章愧馬遷一事稍酬慈母意板

輿親奉拜綿田

自題西北園儵宅

儵宅荒園徑最幽不聞擊鞞與鳴騶檻前石井供鄰汲門外

輿山詩集卷八

五

琳宮與客遊

對宅為大隱禪林

聽鼓一驄雙闕下買書跬步大航頭

近琉璃廠書賈所集

胸中突兀千間厦豈向春明坊底求

退直口號

長日槐街風景和東曹退直午陰趁沐餘兒子橫經侍茶罷  
生徒問字過竊祿不緣他道進立朝常畏受恩多人米盡  
休相告肯廢窻間半日哦

皇上七旬萬壽恭紀十六首

并序代

維乾隆四十五年歲在庚子恭直我

皇上七旬萬壽聖節海宇甯謐泰階正平彤弓錫而復鑿金

匱探而大備爰以東南望幸五舉時巡河流應禱以

迴瀾海潮懷德而戢悍翠華所至謳歌載途既而



旋蹕神京選徒沮漆八荒景附七萃雷歡則有西  
藏班禪額爾德尼來朝于行在恆河瀚海爲企

皇仁嘔雨花以洪聖壽視規風測呂而至者殆

有過焉臣叨直禁廷宜專樂職目覩文德武功之

備心仰純禧景運之隆忭舞難名臚陳曷已乏班揚

之鉅製何以頌天仿沈宋之新聲聊同擊壤敬成蕪

什用誌葵忱

詔書屢止賀長春率土難忘頌嘏純萬象由庚時正泰一元

開子紀重新版圖恢度酬天廟愷澤涵濡戴士民記聽雲

韶趨正旦紫微仙闕讀恩綸

魚鑰初開漏箭齊篆煙已見裊金貌吏從墨綬皆廷見疏八

輶山詩集卷八

六

黃門定御批惟斷乃能垂景烈以仁長荷育羣黎卷阿天

保平生誦載筆何由罄管蠡

五增葢榜擢文儒三免庸調再賜租豈望十行寬大意又

先正月始和敷覃封冊祝神人遍資穀旌門齒德俱曠蕩日

遊忘帝力轉疑知識混堯衢

憶昔王師討右賢出關傳箭定祁連耕屯直接天方外節

鉞遙通宿海邊願沐和甘餘土扈不知千羽有金川開疆二

萬摧枯易拒斧何由恃臂堅

虎臣劔外秉天威廟略親承裕指揮絕險已聞懸絕度

蒙酋果見繫纓歸功成下瀨三軍凱捷到甘泉一鳥飛從此

洗兵長不用誕敷文德帝垂衣

傑閣文淵 紫纈傍特增官屬典縑細名山啓石登中祕太

乙分燈照古香日進幾餘窺浩博時邀 御論析毫芒法宮

天竄猶求鑿倍有神靈燭萬方

聖製琅函百卷羸新傳樂府振威英義深長慶兼諸體御製

新樂府部併休文括四聲謂御製全韻詩邵室邠基開濟遠漢儀唐

典監因更一編千古昭金鏡宣賜常蒙 御墨并

輿情望幸遍江隈 帝念噶于尺一裁宮館不煩誇壯麗供

張毋許侈珍瓊耕桑載路龍旂緩瞻就從民雀扇開十六年

前諸父老白頭五見 聖人來

玉輦時巡正渡河上游久未息頽波痼瘵在抱祈求切呼吸

通天感格多風挽濤頭趨壑易沙漩漫口奏功俄 至心仰

佑非人力陋說宣房瓠子歌

到海雲梯已穩流 天顏含豫聽吳謳尙虞龍楮雙門水欲

撼臨安萬戶秋工石改健資禦衛岸薪無廢計綢繆 變輿

十日西湖駐誰識 皇心軫念周

同天久已荷衢尊 輦路經行載沛 恩校額廣增連郡邑

道緝寬減到商屯衣冠負弩階咸晉韋布抽毫組便掄特慰

耆儒迎拜意 仗前釋褐盡申轅

六飛幾日返江東 晁藻方壇執玉恭遂映卿雲臚殿唱仍

詠吉日詠車攻觀民甫覺紆 宸念懷遠重煩蒞 聖躬始

信無疆非漫頌法天行健古誰同

避暑年年仙仗臨山莊佳氣沐林岑 周廬遍赤金吾捧璧

水初青

時初于熱河建學

計吏屬途逢考績遠人重譯為懷

音欲知黃屋非堯意札什宮成發

睿吟

札什倫布廟成有御製詩札什倫

布猶經言須彌福壽也

黃金作瑄玉為寮行脚何心事笠瓢為有至人方久御能

令古佛亦趨朝一時東望傾羌罕萬里南膜擁鑿雕親率竺

經資聖壽法螺聲湧聽如潮

慶成重整七騶還首路仍聞敕旨頒暫緩旌旗歸上苑祇

勤車駕謁橋山思源謨烈承宗祖讓善謳歌遍宇寰再過

鏡奩頻仰睇九天應自解慈顏

功德巍巍允若茲大年仍復叶昌時文犀天馬充方物玉檢

金泥抑侈詞兢業倍緣康阜切滿盈常為盛平持桂輪高處

榆星現長鞏明堂億萬基

八

輶山堂詩集卷八

初至大梁周宿航有詩見贈并懷許二樸齋於嶺南次

韻奉荅

依北巢南兩索居十年珍重幾封書豈知再授平臺簡卻得

同乘上坂車鬚鬢漸非揮袂日笑談還似飲醇初虛名海內

知交滿取次論心總不如

連日鶯鳴作好聲故人在患輒心驚

許時以盜案論輸左枝

與君共蠶

天中屐有客孤吟海上城下吏韓安終必奮去官吳隱尚餘

清急難不免慙良友館臺間關負一行

附周原詩

百年兄弟慣離居梁館招邀有報書料得賢侯爭下榻卻

因短札便迴車軟塵燕市湔裳罷萼菜吳船入饌初直爲  
平臺要新賦倦遊未許馬相如

聞說旌陽有吏聲何來惡耗夢猶驚十年身滯梁王苑一

夜魂飛趙尉城不分壯懷偏濩落最憐孤館共淒清

時君有孤館三  
人共夜吟之句與君矯首蠻煙外更欲同爲五嶽行

### 吹臺登望

涉足先應愧此臺經過高李與鄒枚非無懷抱難求友縱有  
登臨敢費才萬瓦交橫孤堦出平蕪豁斷大河來中原千里  
方清宴風捲牙旗幕府開

### 追挽座主大學士于文襄公

漢相圖形在紫光影纓孔翠服鵝黃祕書誦篋張安世椽筆

輶山堂詩集卷八

九

籌邊李贊皇物論山邱情轉恕  
主恩簪履睠終長受知只  
在三條燭平日曾無到後堂

### 追挽大學士程文恭公

一時太息遍公卿哀挽傳來有定評正笏無慚真宰相蓋棺  
猶是老諸生

本紀閣學  
挽聯中語陳謨造膝書功隱競物無心見嫉輕  
終始如公復何憾州門過客不勝情

### 感事

國典何曾墨吏寬年年斧鉞下臺端早知恢網原無漏悔不  
前車略少看鐘乳三千空卻老胡椒八百已輸官可憐別第  
笙歌沸巢燕翩翩白謂安

朱竹君先生詩挽詞

問奇載酒口經過一代龍門屬笥河先生自號荔子國中纔返節

芙蓉城上遠鳴珂三千弟子文章聚八百孤寒涕泗多知己

將從頴濱後謂南匠師小峨嶺下哭東坡

追挽張檀亭先生曾啟

相門才子鶴銜崇壁立清裁在眼中文到瑰奇時有類論由

謠詠豈能公黜名南海程周量謂梁孝廉泉頌繫新城王考功牽

復蒙 恩終客死講堂重過泣春風先生没于大梁書院

寄松厓侍御叔

史筆同時孰抗顏換銜仍與業名山叔自編修改官侍御朝仍雷國史館總纂

榮柏府蘭臺竝人望儒林文苑間安石中年歡趣減叔新有喪女之戚

曼容免宦旅情艱白頭黃口慙相累藉慰衰遲與訂頑

輶山堂詩集卷八

十

附松厓叔次韻詩

封書稠疊慰愁顏解絃依人隔暮山鴻雁朔風千里外蛟

鼉秋浪兩河間夢回粉署應知久寒戀青氊敢忘艱重到

大梁尋古跡夷門處士未疎頑

新詩細讀勝披顏始願何當遂買山萬念總依慈母側一

家好在白雲間浮沉正愧相須淺閱歷因知自立艱霜鬢

今秋多益甚中年翻羨石能頑

松厓叔和寄呈原韻并示諫院閱招冊詩亦同前韻因

再疊韻奉寄

班心突兀肅霜顏鶴立長身朗玉山直筆何求編纂外諫書

即在抑揚間畱賓暇比乘驄少覓藥貨同索米艱長弟久病未愈猶

有精勤餘讞事如聞太息爲貪頑

附松厓叔詩

三覆哀矜動 聖顏爰書其奈案如山黃沙按獄諸曹外

丹筆求生隻字間蹈法何知情自實問心無憾事終艱寄

聲亦緊良司牧莫待桁楊始訂頑

聞青龍岡漫口塞後復決三疊前韻

修塞功成喜溢顏波濤夜半動如山金錢億計蒼茫裏吏卒

千人咄嗟間飛挽明年煩國論流離連歲痛民艱蒼蒼早鑿

皇心切不信馮夷似石頑

寄周宿航京師四疊前韻

廿載賓裾祇強顏此行爽氣挹西山終當展足三霄上聊復

輞山詩集卷八

七

論才百里間惘惘向人爲政易溫醅舍子得朋艱月餘不共

黃生語鄙吝潛萌自覺頑

青龍岡口再潰五疊前韻

一聲震裂動愁顏再駭頽波若撼山浹歲成勞彈指頃兩河

全力撫膺間重煩 聖主疇咨切大懼蒸民播奏艱親見蛟

龍攫人食那能鐵石共心頑

過鄴城訪呂叔訥于晝錦書院與孫孝廉 陸上舍

嘉 及盧彭兩公子竝集草堂卽事

班荆小集古漳濱鄉語連宵氣誼直游跡忽并忘異地世交

重見感先人兩家令子王文度對案經師并大春非爲此行

將毋亟不辭三日駐征輪

奉送松厓叔巡視津漕卽次赴津門道上元韻

潞水春融尺五天，王程三宿未綿綿。  
千帆疊鼓鳴簫路，半舫薰衣淪茗煙。  
槐坂生徒瞻莫及，柏臺掾史仕空延。  
似聞河復歸船早，赤棒重巡到日邊。

本以巡視西城奉使

次韻奉酬松厓叔雨中見憶之作

析津千里轉輪難，使者裝輕舸自單。  
鷗鷺總知星節貴，蛟鼉亦避牙冠寒。  
冰開汶衛流初駛，雨洗滄瀛秀可餐。  
想見篷窗高詠外，自修肄議續桓寬。

癸卯除夕直宿農曹翌日呈早朝同列

恰逢鎖印得旬休，除夜誰鳴上直騶。  
餞臘餘寒隨雪減，近天殘夢與星遊。  
交衢燈火排金闕，待旦衣冠侍玉旒。  
回首七年

輞山堂詩集卷八

主

年前此夕亂山孤，燭滯懷州宿覃懷旅舍

丁酉計偕除夕

韞山堂詩集卷九

武進 管世銘 緘若

七言律詩三

甲辰春正月得孫呂叔訥以詩見賀次韻誌喜

椒花盤甫招佳客湯餅筵重集故人推歲尚依星次舊時距立春

尚四錫名聊取綵衣新名之日萊訝聞黃小初稱父喜見孫曾逮

奉親重入東華少良抱逢君相賀略眉伸

臨雍恭紀

橋門壁水古儀型千載徒聞仰汗青幸際 聖朝崇典物特

從太學考圖經丹楹肇建頒先甲 玉輅觀成禮上丁到此

天容惟穆穆周情孔思接籟鉤

韞山堂詩集卷九

丙午仲春從大司農曹竹墟先生奉 使浙中往返凡

六閱月紀事述懷八首

出握蘭荃入擁經祿脩差足奉親甯不知耶署頭將白何意

尚書顧屢青 詔命昨纔傳府帖封輅旦已發畿坰奴童烏

合衣裘敝未信行人是使星

重臣三節指杭州時姜少司寇伊少命鉤考金倉預坐籌猥以

後車煩廐吏敢當前弩負諸侯枯畦滲雨初含繡饑面融春

未改鳩民瘼 王程交念迫忍於供頓復深求

取彼貪夫緩庫財 聖恩曲示網恢恢處堂喧雀真如戲臥

涸枯魚亦可哀縱捨既虞同翫水吹懲又恐近焚萊還思善

後無長策倘有人如張趙謂張清恪才



越疆財賦劇南維措手紛如理亂絲六道出車嚴閱實同官

分府九章布算析歸奇曲推德意寬追論明設刑誅怵後期

百吏感 恩兼畏法補苴力盡荷 皇慈

隄海 恩期衛衆生此間利便苦難明官甯惜 帑常牽例

吏到虧緡易病眩後役可停宜密白石鼎前功難費貴開誠

柴塘經費算商省祿均非策只合長教用水衡

無端兩議起庭中覆治重煩莅上公謂廣庭相公在事平心皆似

水有人疾惡獨如風謂實東深求未免追豚豈輕發仍疑瘴

鼠弓知己從游皆不薄敢辭苦口諷和衷

海國曾專 救使幡初命舒大司竭來移獄讞旌門改于

併案銀鍮白服同徵急節鉞嚴疆對擁尊謂粵閩宦路升沉

輞山堂詩集卷九

原莫定物情夷險更難論泰然遙仰三台座深念安知憂畏

存

我行六月始言旋愛弟將迎諸母憐擁傳入門顏惡爾過家

上塚禮宜然邦人已畢黔敖粥二月過門粥賑尙未

開梓澤筵里中諸先達一對松楸增感涕此行較晚七年前

先君子以庚子秋在里辭世

過揚州呈家松厓叔時新轉鴻臚少卿仍巡視瓜儀漕

政

竹西歌吹廣陵花兩載江干顧未加已換 新恩升月掌仍

銜 前命倚星槎不慚世論惟家法相見鄉關各使華共勉

心期交語久路人泛作美談誇

別宣南坊舊寓

宣武坊南儻數椽西山爽氣到簷前  
望門鮑馬趨曹易近市  
姜魚入饌鮮塵海昔飛看滾滾沙隄新  
傍踏平平時宣武門大街新築  
道若非鄰壁屠沽沸四載棲遲意自便

題官菜園上街新居

車馬喧辭大道寬言尋冷巷托園官  
人歸中禁無言樹宅近  
南陔為采蘭問字漸希諸弟子  
結鄰略有數衣冠興來步履  
逢休澣寄廠豐臺擬一觀

奉呈宮保尚書曹竹墟先生

海內夔龍佐 聖時福疇兼備似公誰  
午橋歲月容萊綵鸞  
掖文章付謝芝 天語早虛調鼎席  
恩光倍渥摺珪時先生

輻山堂詩集卷九

三

自歸養後凡遇 恩賜近臣先生與蔡葛山相國必一體郵致  
長期壽母康強在略為蒼生  
出較遲

輓故侍御劉石渠先生

古祠托宿遠塵寰先生官京師常寓法源寺右趙忠愍公祠  
退直歸來輒鍵關獨  
有青睛明藝苑誰令華首謝臺班  
前恩未遂常銜感庚寅被薦未售  
而知己 夙諾雖酬可濟艱  
知否盡哀能有日因風寄淚點蒼

山

陶然亭公餞同年韓聘之湯衡出刺隰州

目送雙旌入太行高亭酒半惜分張  
常如校士心無負聘之丙午

分校京兆試最有清名  
推此臨民治必良河上流離嗷比雁時河南漫口木合

島間屯聚臂猶螳方勳臺灣  
漫郎安得真千輩遍遣魚書牧下方

送同官范攝生比部

整

方葆巖儀部

維甸

從軍臺灣

將軍破浪斬蛟蚪參佐同乘萬里舟  
年事總齊班定遠才名都過阮陳雷  
揚威盾畔時揮檄決密樽前幾借籌  
斷臂攻心皆上策固應談笑卻吳鉤

送邵習園同年

自悅

出刺和州

山光江氣接千年夢得吟聲未寂然  
君到政成知有暇興來句好定能傳  
正當薄海需良牧恰值潛郎屢外遷  
取次南宮同調少與誰逐隊結蘭荃

奉值機庭紀事

金倉碌碌治符書忽遣簪毫近玉除  
分帶六曹專視草未登五品特垂魚  
月常半直青綾被歲或三隨黃屋車  
清切此

時稱右職只慙郎鬢已蕭疎

恭頌座主御史中丞劉雲房先生

南宮今歲渥恩開下第猶徵百里才  
蟻術漫思羶可附鸞棲誤信鳩爲媒  
一封漑奏潛消硯萬口謹傳欲動雷  
言出仁人眞利溥官方澄敘士風培

追挽蔣蓉龕先生

和甯

忽傳梓里喪耆英淚盡同時後進生  
杖履尙從誰問字齒牙幾借士成名  
青門月旦人亡鑑白首風華語在楹  
昨歲西湖猶接席高談常到燭三更

哭鳳山令湯君

大奎

勝衣卽荷齒津新每誦歌詩學步頻  
豈料一官終墨綬更教

重海喪紅巾使君拔劍能呵賊孺子張卷亦殉親身後褒揚  
容論定且求死所作完人

邢洺道中懷古

周家號令捷風雷辛苦三關瀛莫定百戰來帝疾遽嬰尋返旆  
天心未眷阻登臺曹潘異代師頻出韓范昇平幕屢開誰過  
燕雲窺一步方知五季有雄才

感懷故大名觀察熊公恩敘

官書夜治燭光沉突有戈鋌戛擊音急起傳呼嚴部勒誰知  
反噬出監臨手披命服神終定血濺危蕞怒豈任賊首到今  
猶未獲空聞道路購千金

安陽懷古

韞山堂詩集卷九

五

鄴城河北稱都會形勝千年未寂寥門戶幽燕兵勁峭耕屯  
漳溢利肥饒戰爭九代謂季漢晉宋齊梁陳後魏北齊并隋爲九代常分割倔強  
三唐竟不朝今日車書歸一統銅臺鐵錯恨俱銷

五十自壽

鬢絲將老漸盈顛親在恆稱未敢然學易已符商子歲能詩  
空到達夫年分裁湛露天書出屢奉皇華使節旋同舍爲  
郎方寂寞可忘止足更規遷

吳李經亭太守

袴襦頌遍嶺南人大府交章薦達頻爲靖鄰氛資幹吏竟衝  
海霧喪勞臣御屏共聽雷題久復矢方知拜命眞慰問  
茂宏溫諭惻感卿一死動君親

孟津渡河

夾河兩縣皆沿孟河之北為孟縣自古通津未改更水落帆形隨  
轉天寒篙力與冰爭從茲南下煩防掃舊日中瀆本築城到  
岸始知天氣別舉帷頓喜北風輕

追挽陳伯思比部本忠

北方學者擅能文僂指東臯謂竇少宰光祿即數君刻劃真如巖際  
雪空明多似嶺頭雲一時諧謔猶傳誦五斗高談竟寂聞同  
哭寢門情較切郢人亡質更何云

過鄭州懷宿航并感亡友景進士鴻賓凌司馬浩

昔年曾款董生帷雪後開園興不違談藝三更燈幾翦澆詩  
百罰盞如飛青雲下客名空就白首他鄉會亦稀宿航在鄭見贈詩有

輞山堂詩集卷九

六

下客年皆壯他鄉會轉多之句更感黃公壚下迹笛聲半愴故人非

早行

風雪三更起掃鞍趨程敢恃簡書寬憚民肺石真含缺使者  
心旌可及餐士出蓬門原習苦人來玉宇況勝寒惟牽慈夢  
初迴枕暗數歸程臘已殘

登晴川閣

千里風雲萬頃濤平臨傑閣俯晴臯胸吞江漢方能賦手擷  
蓀離自悟騷頓覺摻搨隨客至有特長笛隔樓高憑欄欲倚  
凌波曲恐撼魚龍起怒號

哭劉退谷給諫謹之

廿年盡瘁事機庭未老全霜兩鬢青落落暄涼惟一節休休

通介總忘形無兒易竇疑天道有婦磨并動 帝聽朝論同  
聲鄉望合就中知己淚先零

恭和 御製聞將軍福康安奏到臺灣賊首林爽文就  
擒 賜近臣重華宮筵宴元韻

一年金甲未曾拋仰仗 天威殄孽苞易將始諧聽鼓意占  
師果驗執禽交媿無尺寸酬鞭弭忝與 恩榮 賜核看從  
此洗兵安海嶠干戈長用虎皮包

乙夜頻聞警枕拋 睿謨萬里固桑苞麾蚤士奮同仇氣射  
隼公當解悖交海上捷書馳露布宮中曲讌列蒸肴封狼已  
縛閩氛淨丹荔紅柑入錫包

恭和 御製文津閣元韻

韞山堂詩集卷九

七

外朝習射鹿爲中 祕閣紉書白虎通祇謂詰戎芳甸外還  
如侍讀邇英同緋魚累 賜恩原厚亥豕仍譌罰亦公枉許  
甘泉陪侍從校讎敢信術能工

恭和 御製雲貢總督富綱奏報緬甸稱臣進貢詩以  
誌事元韻

忍將瘴癘輕民命因止南荒伐罪戈鐵筆關前旌久偃金沙  
江外壘空摩時聞荅 詔休宮武豈屑馳書枉賈佗蠻目忽  
隨馴象至舞階苗格未應過

奉賀范攝生方葆巖從征海外凱旋 賜宴

二妙從征海國遙 天戈所指賊氛銷去時絕島愁波浪回  
日樓船競鼓簫脫劔許陪麟閣宴舍香仍趁 紫宸朝影纓

特地增金翠不羨銀瑤伴左貂

定居繩匠術術寓宅

潛郎十載傲春明三度移家有數甕楹桷似猶傳素節

定公 鄉前輩劉圃三少司空空庭柯瀟灑能

故居 蠩蟻亦覺習鄉聲 將蓉龕侍御皆曾寓此

憑小閣夕陽一角遠山橫 暇奉慈顏

自題寓壁

蘭省委蛇散直還一編仍自業名山將軍禮數容長揖弟子

班行許抗顏悅母自安綈縞儉戒妻毋溷米鹽慳平生心重

多縫掖攬帶常先出戶關

奉呈廣庭相公

輞山堂詩集卷九

八

詔書江漢省民艱暫輟元臣坐論班慎選賓僚陪後乘俯容

談笑奉東山襟懷霽月和風上氣象榮河光岳間及此茫然

方自失三年旅進但承顏

半生征戰老汾陽甫得功成相 廟堂大事頻年煩蒞袞端

居幾日奉 垂裳金隄半植桓公柳古戍皆知召伯棠夾道

耆民如竊語天人容鬢漸蒼蒼

忽慶聞孫選集賢 公孫新選 庶吉士 喜於身自畫凌煙畱貽魏笏知

無墜祇受韋經復有傳手植階枝看蔭畝親調庭羽見摩天

遭逢盛事空今古四世承 恩 一聖前 自文勤公以下皆 歷仕 今上一朝

伊古未 之有也

返旆重聞後 命臨講堂清勝古園林 行館係陸 象山書院 屏開雲嶽

驅炎氣檻倚風泉愜道心言必先型宗向遠事關 國體護  
持深經旬竊比從遊列暫息征軺飫德音

行抵江陵重謁畢弁山制軍

猶思開府鎮咸陽投謁曾披燕寢香筵上齊傾楊汝士屏間  
小異杜黃裳獎成備至芬何惜澹蕩無求感自長此日從遊  
天假便十年舊士再登堂

追悼陸蘧庵瑗觀察卽送其次君孝廉逢瑞出都時孝廉爲

其尊人屏當贖緩

苦憶青門悵別深幾年榮戟海邦臨抽簪未畢之官債輟瑟  
猶逋贖戍金集腋成裘孤子力覆巢完穀故人心買絲擬向  
平原繡風義安知不在今

輞山堂詩集卷九

九

追悼黃上舍景仁

紅心宿草幾抽萌在口江楓句尚清上舍遺詩如春水方生君速去此江東下我西

行名心淡似幽州日骨相寒經易水風寒甚更無修竹倚愁多思賈白揚栽諸句皆可採入詩話可惜斯人

先夜壑不聯舊雨八承明同學孫淵如洪穉存皆先後以進士及第入翰林才奇昌

谷多鄰鬼狂甚邨鄰竟死情臭味不同欣賞在記曾攬帶一

將迎

庚戌元旦 太和殿侍宴恭紀

八旬五代景釐偕禮歲朝正法宴排軒紀適符天地合是歲爲

皇上龍飛之箕徵重念兩暘諧命筮八徵耄念之祥開北

闕瞻榆現化洽南交動甚懷安南貢遭遇昌期還異數近光

特上舞千階故事百官皆席于庭今年特認移于丹陛之上



送李雲岩大司馬 賜告還黔

當代封疆第一流，奮身掾史出邊陲。精勤吏事陶公轡，風厲

官方晏子裘。上藥起衰馳鳳嶺，公初在四川總督任內安輿

扶疾到，龍樓特旨肩相臣請老司徒養。謂蔡葛山曹竹墟兩先生又

見公歸擁八駟

奉呈康茂園方伯 基田 時方 被議

瓣香親祝孫文定，先生受業合河相國之門再仰關西伯。起風攬轡心澄

王屋水，昔為懷慶太守禦災身犯呂梁洪。先生在方伯任內堵築徐州險工，隨埽落河，竟獲無

恙責賢必備，朝恩重引咎。雖深物論公夷險，不驚由定力

愁中每見貌加豐

大梁使院暮春詠懷

輞山堂詩集卷九

十

非復繁臺讞賞時，隱身戎幕當樓枝。月為開府修三奏，日擬

都官課一詩。暫緩宵深聽鼓起，不勞泥滑借驢騎。平生寒食

飛花句，莫遣流傳到玉墀

述德

出山小草問根柯，述德如聞太息多。兩世同藏暮叔碧，謂誠齋公

耳臣一生長廢偉元莪，謂奇玉公郎潛鉛槧還吟藥，謂青柳公吏隱齋

廚半補蘿，謂宜齋公盡攬餘馨勤式穀。書巢樓老當巖阿，謂先君子

寄呈座主董蔗林先生

聽履星辰上紫微，簪毫禁近筦樞機。起居八座門庭肅，領袖

三司澣沐希正色，袁安仍雅量黑頭。王儉尙斑衣，平生恩地

兼知己，回首春風隔講幃

送崔曼亭之荊州太守任卽題其望岫息心圖

劇郡欣聞長者臨平生治獄德多陰 賜環重整凝香戟懷  
綬仍攜伴鶴琴仰秣貌貅全楚肅司駐防營餉米戢流鮫鱷大江深  
瘡痍未復資綏靖五十二年江漲為災莫望歸雲動素心

送同年楊星園上計入都

木天蘭省共清寒一日齊彈貢禹冠忽枉飛鳧臨望邑暫令

翹鳳輟高翰花明雪苑論才子時權商邱令袍綠春波餞長官歐陽

文忠公令夷陵許州法曹謝伯初贈詩有長官衫色江波綠學士文華蜀錦張之句蓬閨舊遊應歎羨

幾人名姓 御屏看

寄荅馮星實應樞內參

禁庭視草佐絲綸名輩相望二十春一出藩垣聊試手再登

輞山堂詩集卷九

二

臺寺當收身衆中禮數虛前席少日文章謁後塵暫斂英華

歸著述閑從玉局作功臣補注蘇詩是正諸家謬認出查初白之上

上座主韓城相公

置身獄色與河聲強毅風裁漢舊京自昔清華升揆席幾人  
志事稱科名無愆黃髮朱文季不改剛腸宋廣平方寸手書  
珍篋衍虛懷猶自怵高明近賜荅手書引張曲江詩美服患人指高明迥神惡二語以自微

奉呈朱南厓夫子時巡撫安徽

登門不恨業華顛開口容誇舉主賢清肯求知雷匣鑑文非  
得已在山泉鄴侯豈足煩方鎮潞國如將待異年天柱天都  
眞福地獨私郁雨作霖前

附南厓先生和作

三年素食恥頤顛責善還憑老友賢遷地易華非幹木出  
山難保是清泉敢希折簡談經宿恐媿揮鋤割席年天下  
才今應有屬無能底用簸揚前

寄懷前侍御范比部攝生

影纓特地聳班心鷹角峩峩孔翠深曾渡重洋戈作枕卻歸  
朶殿筆爲簪從軍露布于公異監院彈文蘇舜欽小謫仍聞  
登啓事有人久訟爨餘琴

哭季父

飄風不戀鮮民生逝水重傷骨肉情并白婦姑曾互乳棗梨  
叔姪本同庚抽心屢作菘施草出口先爲變徵聲終遂首邱  
還擇後報書略用慰嫠癯

紀事

琳館金床奉梵師狡焉狂寇犯烏斯千年龍象虛神力萬里  
能龍遠護持脫轡蹴空雲背度斫冰淅米劔頭吹國威民命  
宗臣寄憑養全鋒莫履危

故人天際忽離羣

謂方光祿維甸員外郎長齡

各有衰慈倚夕曛此去遠

衝青海雪可無迴望太行雲每思設險爲中策須悟攻心是  
上勳媿我適符金革義未將墨經請從軍

題正定隆興寺

滹沱春望眼難寬忽向琳宮得鉅觀七丈莊嚴層塊上萬間  
突兀五雲端空聞魯國靈光殿不識西京承露盤信否護持  
猶象教千年初地尙完安

贈周宿航刺史

昔聞尹敏過班彪，饑忘盤餐倦忘休。  
吾輩交情何遽滅，天涯宦迹不相謀。  
前期物望容青眼，晚計郊扉訂白頭。  
來往豈惟成一老，戲言思踐共瓊邱。

昔有買宅相鄰  
買山相向之約

輶山堂詩集卷十

武進 管世銘 臧若

七言律詩 四

駕幸五臺山恭紀

鑾輿五日駐層阿滿路金光瑤草多絕頂生雲疑佛現北臺  
封雪少僧過曼殊號與鴻名合貝葉書非遠譯訛莫向圖經  
沿紫府 國山丹篆蘚崖磨

文殊一號曼殊即滿洲之轉音  
西藏喇嘛上書稱 皇帝為文

殊皇 帝

述舊懷恩上嵇相國

同時名輩迥無倫及作 先皇侍從臣天為昌期榮昔幹  
帝畱老友伴靈椿鼎彝典重情逾近川嶽包容鑒最真一首

輶山堂詩集卷十

黃金臺上賦三條燭底辨詩人

余戊戌朝考時公讀卷賞其  
黃金臺作開合頓宕有少陵

家法異日必  
以詩鳴者也

將屆服闋愴然感懷

銜悲露夕與霜晨三載偷存視息身難忘 國恩畱廟栗怕  
看慈線在朝紳家風大抵教兒諂宦路方將避相嗔他日縱  
能為孟博已無誨勉令人

章桐門比部 照 典試中州試事既竣走筆奉簡

鳳池麟苑白雲廳三轉清階侍 禁庭暫輟十行 天詔草

來題千選佛名經繁臺望氣霄先紫洱海求珠眼舊青 舊典  
試滇

南 誰識薰香同省客隔簾難傍使人星

壬子冬月將自汴赴京畱別穆英甫中丞

二年賓席至如歸坦直開懷兩不違切奏互同私藝改枯禪  
常共佛燈依簡書期到何由卻衣袂情深未忍揮強命臨歧  
一言贈佩間珍重或宜韋

畱別同年吳菘圃方伯

漱

借枝人比下帷餘每月相從幾曳裾出訪略同乘雪棹見畱  
卽是浣花居慈暉餐飯常存厚交味醇醪不改初官喜三遷  
深念在河防民力兩躊躇

聞趙味辛至都擬贈

舍人數載托沉綿遲起疑於有待然何慮閑官妨大隱且憑  
上第慰衰年溯君弱冠稱詩早在我寒疆講業前此日省曹  
仍麗澤退私莫惜往來偏

輞山堂詩集卷十

二

寄懷錢竹初

循良文學兩俱稱更喜中流勇退能華屋貽刀思哲友空山  
畫筴認枯僧林田自給陶元亮鱸膾差供張季鷹只恐風流  
擅三絕木天忽有鶴書徵

余與同直李滄雲給事

彙

於庚戌六月先後奉母諱癸

丑季夏同在灤陽扈直給事作詩述哀依韻泣和

浹月同傷失恃時況逢諱日倍興悲縱饒後祿徒虛爾長念  
餘生孰戀爲執戟地嚴班敢曠含毫心隕退難遲相將共化  
桓山烏啼向風中不靜枝

客有談卜肆中精數學者詩以荅之

占驗何非小數存夫惟大雅弗輕論抗心希古年忘老正色

當官道自尊山鬼有知能幾歲靈氛或中是多言及身享蹇  
非吾事不過長安日者門

山海關

左臨溟渤右遮山雄絕畿東第一關開 國風雲提劍八上  
陵霜露拜衣還牙旗影外魚龍靜蘆管聲中虎豹閒磨盾  
平生時意動精銷徒厚使車顏

效梅邨詠史

何意他時異姓王擁兵觀變本膏粱爲憐國色方投袂遂乞  
天戈自啓行豈有包胥眞復楚可能僕固久臣唐狂罷向老  
幾難制萬里南天半戰場

廣甯懷古

輞山堂詩集卷十

三

全遼力障足枝梧再起籌邊勢已孤  
蓬議交訐由怨口鹿奔  
偏敗坐庸夫呼冤西市三軍哭借獄東林一網誣 聖代旌  
忠仍錄後得酬熱血滿腔無

讀明史宦寺傳

鐵牌遺誠語如新再世先教付煨塵  
俞佛獨憑司禮判刺探  
廣設錦衣巡傷心礦稅搜豐戶切齒銀鐙逮黨人今日棄嫌  
同驂馬適畱殷鑒與千春

盛京恭紀

聖人昔自東方作如日方升萬部隨先定全遼作根本遂開  
行殿建旌旗死綏過賁熊經略賣塞尤誣袁督師勝國邊  
才由自壞驅除天意亦人爲

大司馬李恭勤公挽詞

老著朝衣一品還，大星霄處見家山。蕃宣膏雨詩書外，况瘁風雲矢石間。十步橋公虛腹痛，八哀嚴尹最心關。同聲巷哭連吳蜀，故客能禁涕淚潛。

初授御史追憶先曾王父比部青郵公紀夢舊詩有迹

會王父於康熙戊戌由雲南姚州牧入觀京師夢於便殿引對特授御史并應制紀恩詩有金闕殿迴青瑣闔玉門關奏紫微封之句詩載家集

自稔官階進步慵，柏臺初許侍從容。慚惶行殿新恩命，根觸先人舊夢蹤。視草竟登青瑣闥，啓囊真預紫微封。祇期盡職光前志，無分馳褒隔壤重。

次韻奉答趙舍人味辛見賀改官之作

輶堂詩集卷十

四

裏行初換惠文冠，差信平生始進端。目論共榮為右轉，心知難稱獨斯官。從辛得氣薑拚老，到晚方花菊耐寒。鄭重故人期勉在白頭，素節矢終完。

次韻答和味辛興桓同寓見贈之作

塞山何處覓同岑之子，論交卅載深官冷卻推裁。詔手文高別具濟川心，起常聽鼓分曹直暇輒拈毫對榻吟。共傷五雲爭儻宅，幾人得似此朋簪。

宮師大學士嵇文恭公挽詞

疏辭黃閣幾逡巡，溫詔相畱慰諭頻。脫略堂廉躋老友，從容輿杖軼元臣。齊齡文富終於位，仍世袁楊斂以貧。朝論哀榮鄉俎豆，靈光同慨失斯人。



瓊林重宴後簪裾黃崑山少宰史鐵崖相國而還盛事疎盡見羣公成

賦日早傳 皇子執經餘記聞古舊人瞠若造請方巖史闕

如舉目尙能畱仰止柱間偉絕兩行書嘗爲余題杜聯公誠之心形於筆墨雄直

之氣發爲文章

題李墨莊同年鼎元登岱圖

曾凌絕頂吳秦觀俯視齊州幾點煙今日披圖人海裏恍如  
躡磴石巖前雲光乍濕將生雨澗路微明欲吼泉有意他時  
重放眼誦君句得我先

散直遣懷

改官六月少封題暫許天全養木雞趨直長年仍硯北散朝  
短景過磚西時耽古籍爲良醞間買名花當小妻惟有生徒

韜山堂詩集卷十

五

難謝遣春風門外日成蹊

寄穆英甫中丞

一夫脫死須臾頃八座投荒萬里間嫁禍鄰言何太險收威  
天怒已徐還重看魏尚持星節不使班超老玉關遍十三  
州思去後豈徒舊客慘離顏

依韻荅洪稚存學使

軟塵紉鼓少優閒憑仗新詩一解顏盡洗蠻煙金齒國獨餐  
秀色玉屏山荒陬使節從唐馬衰白交情到尹班中隱大名  
齊所願報書大意擇途且待故人還

乙卯外 朝秋讞卽事

隼擊風高鶴警清露槐霜棘集公卿慮囚怕勸晨加飯黠鬼

愁聞畫唱名執憲不移期克允掩書太息爲求生法寬論報  
無多數況值連年 國慶并

讞獄曹州途間卽事

一心恐後簡書期曉夜常兼三驛馳遍戒鄉亭逐亡命更勞  
繡斧讞單詞星輿小睡尋詩頃候館忙餐削牘時不惜千金  
購犀帶共來然渚照羣疑

贈孫季述觀察

星衍

詢原按部兩停車相見風期不改初且喜習跡仍穩步先爲覆車  
頃似聞邊腹更多書有聖人家近借書看之句得情成讞勞貽我勵志新  
詩足起子衆裏惟思共君語十年翻恨翦燈疎

重謁湯陰岳忠武祠

翰山堂詩集卷十

六

碧血銀濤兩不分鄂王祠近侍中墳埋根百戰惟憑義背嵬  
諸公獨有文責備轉歸張魏國等觀那許曲將軍滿襟再拜  
祠堂淚縱媿英雄我亦云

紀事

火維千里陣雲昏加緊郵章夜刺門負險羣苗猶豕突弄潢  
小醜又蜂屯最思長吏如元結方以書生目柳渾屢欲抗陳  
兵事疏言高恐斥舌姑捫

大學士貝子晉封郡王福文襄公挽詞

撻伐垂毗定鬼方大星何遽隕蒼華年早入三公府盛世  
偏經百戰場傳箭河源猶闔戶投戈海嶠再耕桑壺頭莫擬  
同新息歸旄哀榮異姓王

旌麾所至建殊勳，勇略能齊絳灌羣。舍力攻心柔絕域，捐金  
弔骨感三軍。終憑成算擒苗醜，更冀餘威息楚氛。白首賓僚  
懷舊顧，神傷大樹斷知聞。

送崔生

景儀

出守思恩

綺歲詞場早掇名，玉堂

講幄望尤清。會遊桂海邊城寄特

枉鑾坡學士行，便道軍牙紆黻省。

尊甫曼亭先生時觀察  
荆州得以順途省視到

官蠻目帶刀，迎廿年家塾。連朝路未免，南天萬里情。

丙辰仲夏，王翠庭太守

銀

入覲事畢，同年諸公延飲

於陶然亭。翌日翠庭復於吳衣園太史花圃置酒，迴醺  
何實齋太史先後各紀七言律詩二首。同年以次屬和  
翠庭繪爲二圖，列諸作於後。余于役興桓，未得在坐。展

輻山堂詩集卷十

七

圖環誦亦依韻成二律附於卷末

薜扉不爲軟紅局，堞影嵐光拱一亭。折簡禮寬容帽側，憑闌  
心迴許盃停。大羅天上期來兩尺五，城南仰聚星。此日勞人  
阻良會，馬頭唯見塞山青。

雅集重開別墅新，同袍數見倍情親。放懷各有中年感，相視  
都爲大隱身。卷裏約詩兼昉筆，酒間吟札敵樓唇。曲江舊侶  
無多在，老去壺觴莫厭頻。

白頭

白頭豈肯變平生，歲到知非又十更。論事不同茲並直，觀書  
無障月同明。遠人願事蕭夫子，死友當知范巨卿。齒髮縱衰  
心力在，屑從流輩競時名。

漫成十首和馮玉圃同年

聖武開疆二萬賒十全紀績古何加祇宜干戚虞階舞不分  
鉦鼙鬼國搗物盛豈能消孽蠹戰危時亦化猿沙軍書鉅細  
親裁定退食頻年日影斜

辰南山谷雜民苗舊設三廳控制遙穀本旅生潛茁莠禽多  
弱肉突成梟因貪出掠情符盜諱叛爲癩事近妖厚集兵威  
連九道軍容茶火怒招搖

上相專征發黠蒼戟門雲集犒師綱解圍乍比吹篴易傳檄  
原過折矢強餒肉久將成腐鼠推心終不化封狼舊恩遠擬  
籌前箸遽見寒星隕大荒

失計壺頭道路難伏波於此阻戎鞍祇緣勳烈平生盛無損

輞山詩集卷十

八

丹青異代看老不量能雄倚劔少希更事促登壇後先一例  
哀榮備餘論然疑到闔棺

乘虛竊發萬虬蚩半楚流離七郡州神礮特邀天佑順義民  
知與國同仇攻巢至久終酬烈逐鋌徒勞坐少謀襄漢旌  
旗新改色棘門前帥檻車收

楚天烽火照江紅辛苦何人自賊中但訴關先淚迸只聞  
風鶴尙心忡戰場覓食橫屍裏華屋偷斲益鬼叢同輩四人  
三異物袒看左臂況傷弓

後四語皆聽  
人自述所歷

良將徒中起死灰荷戈纔脫便銜枚不虛嚙噉威名宿頓覺  
逍遙氣象回躍馬偏師完要害連雞堂陣縛渠魁更饒戮力  
渾城在部曲汾陽總上台

笳簫連夕起悲音  
笑兀師中刁斗森  
阿史驍雄英衛埒  
然明威望罕羌欽  
釜魚已泣潛何及  
原燎方燿煽豈任  
此日南蠻非闔獲  
要知力戰卽攻心

跼焉本不耐長征  
密請旋師見老成  
推轂獨堅明主意  
磨弧果得丈人貞  
同苞三葉全教斧  
八地餘蝗不再萌  
聖量淵冲懷昊眷  
不將畏事咎書生

同時秦蜀亦騷然  
旣息苗氛討伐專  
化外蠢頑猶駭域  
中食踐忍戈鋌更  
思綏靖煩宵旰  
盡遣瘡痍復宅田  
江漢裁詩匹殷武  
何人樂職競公先

盤山

代有高人此結椽  
暫隨清蹕駐幽偏  
峰峰繡頂松膠屈  
寺

韞山堂詩集卷十

九

寺當門石楯圓斜  
景雲煙遮望眼  
下方燈火促歸鞭  
慚惶舊謝乘驄客  
得句空山自在研  
同年鄭秋浦侍御近寄遊盤山詩一首

直廬一首有寄

直廬特許北門開  
視草新恩擢上才  
初地傳衣將百歲  
昔賢倚筆已三迴  
興元赦制加顏讀  
澤潞軍書運掌裁  
潤色王言良不易  
豈惟前路近中台

湖廣總督畢弁山公挽詞

奮伐柔綏心力殫  
眼看全楚近完安  
名高雅稱蓬山冠  
道廣尤推藥籠寬  
臺省半邀容接士  
封圻多出所由官  
報聞兩疏分明在  
如此書生亦大難

太保大學士誠謀英勇公阿文成公挽詞

曲江風度領承明中令勲威冠老成仰岱世方尊壽考騎箕  
公忽棄蒼生但聞所至心皆肅縱使無言量敢輕誰繼斯人  
天淚灑一時悲感遍羣情

自昔龍文獨力扛夾途父老識麾幢五征醜虜三圖閣四挽  
洪河再濬江受任早紓宸顧切成功能使萬心降白頭從  
事甘棠館緒論時聞月到窻

襟懷朗朗語期期政體人材夙夜思肯與後生爭捷給力爲  
先正護綱維功從雪嶺天山勒名到兒童走卒知俯仰那能  
禁一慟上緣軍國下恩私

每日綸扉笑語和自言曾論幾摩挲纔申嶽降稱觥祝遽作  
山頽曳杖歌夢裏似披陳事贖疾中屢索入朝靴韋經覽

佩期重授虎拜鵷翔奕葉多

輶山堂詩集卷十

十

喜廣庭相公得謚文成

易名典下萬心輸兩字增輝紫閣圖實賴知臣由主聖兼  
欣枋議本材粗豈煩珍玩貽張說無假精靈懾令狐瞠目青  
田與新建何疑前世赤松符

送洪穉存太史給假旋里

奉詔儒臣試集賢祇將詞賦競雕鐫書陳徐樂原忠愛第  
改劉蕡爲保全鶴禁銜恩垂佩侍鵠原告難引疴旋時以弟喪

乞疾初衣自分宜衰白企爾徵書下釣船

送董惠疇農部出守潯州

度支鈞考析秋毫獨以持平冠闔曹自是相寬本經術不同

孔僅起錢刀邊烽昔喟空微杼鄰警新憐脫戰袍萬里勤心  
朝寄重還期繡句滿弓嵌

邠州刺史莊虛庵同年出都前一夕小飲見贈卽次元韻

並作寒郊自轉蓬長安清夜一尊同看君翠羽影纓後虛庵以軍

功賞戴花翎

坐我明燈玉帳中世事只宜三語掾

朝恩敢作五

噫鴻可能白首收身日晚計郊扉遂兩翁

附虛庵原詩

征輪待曉逐飛蓬且喜清尊此夕同去 國行遲三宿後  
歸秦夢遶萬山中兵家最愛談鵝鶴諫苑毋忘辨鳧鴻相  
憶祇憑魚素寄天涯畱得兩衰翁

觀臺

蘓山詩集卷十

七

觀臺登望事非虛誰識天官太史書二曜互虧旬日近嘉慶三年

十月初十六恆星散亂四更餘是月二十九日

垂衣耄念勤兼瘁問寢

宸顏踧勝舒朝列具瞻公府步心方泄世視居居

識在幾先詩爲

絕筆是作成於三年之十一月初十日捐館之前二日也平生志事於是長賫矣男學洛泣血謹識



